



Markús Magnússon
stíptprófastur.

Víðey 1826.





920
Mar

S t u t t

Æ f i - M i n n i n g

Sáluga Stípt-prófestsins

MARCUSAR MAGNUSSONAR

flutt

vid hans *Færdarför*.

Þann 31ta Aug. 1825.

af

ARNA HELGASYNI

*Stíptprófasti, Prófasti í Kjalarness Þingi
og Dómkirkjuprestfi til Reykjavíkur.*

VIDEYAR Klaustri, 1826.

Prentuð á kostnað Leð. Theolog.

JÓNS JÓNSSONAR,

af Faß, og Bókprykkjara G. J. Schagfjorð.





R æ d a

haldin við Jördarför

Stíptsprófasts

MARCUSAR MAGNUSSONAR

Þann 31ta Aug. 1825.

B æ n i n.

Kénn ofi, Drottinn! Þannig að brúka þar
lífsstundir, hverz margar eða fáar eru, sem þú
mildi gefur ofi til undirbúnaðs undir þá ej-
lifð, sem vér allir stefnum til, og með degi
hverjum þokumst nær, að vér hédan förum
andugir af góðum verkum, og hæfilegt til að

njóta þeirrar salu, sem eilífdin hefir þeim geymda, er hér stundudu að gjöra sig verduga fyrir eilíft líf. Amen!

Eg þarf ekki að spyrja yður — hærstvyrdu og elskulegu Tilheyrendur! — sem *David* spurdi forðum (2. Sam. 3, 38): *vitid þér ekki að í dag er fallinn Höfðingi og mesti maður í Ísrael?* því yður er alkunnugt hverr merkis maður hér er fallinn og til moldar búinn; yður, sem kunnugt er mikid, gat verið kunnugt hid mesta, af æfi og lífs. atburðum þess hér frá-fallna kénifóðurs. Þér sáud hans breytni, þér heyrdud hans uppbyggilegu kénningar, þér vórud tíðum vottar að hans hollu og hyggilegu ráðleggingum, eða leititud sjálfir til hans ráða og nutud góds af þeim, og gét eg þá gert ráð fyrir, að þér vitid ekki að hér sé fallinn Höfðingi í Ísrael? Hans hrósverda og uppbyggilega lífi brá ekki heldur að eins fyrir yður um stund, svo sem þá elding sjest, hölduð skein hans ljós fyrir

yðar sjónum hartnær hálfa öld, bæði með
 sinni fullu byrtu, og líka með hinu blíða,
 enn þótt dodnada qvöld-skini, og þetta ljós
 var helgað þessa Safnadar andlegu og líkham-
 legu naudsýnjum. Þér kannist því víst við,
 að hér sé fallinn, og þó ekki fallinn, heldur
 inngenginn til Guds hvíldar, sofnadur með
 sínum Fedrum, einhverr hinn helzti maður
 þessa lands, merkilegafti Kennimaður sinnar
 aldar, af-bragð að líkhami, atgjörfi, hygg-
 indum, ráddeild, mannkjarleika, blidlyndi,
 gédlempni, ættrækni og fleirum þeim mann-
 kostum, sem gjöra lífið heidurlegt og upp-
 byggilegt, fókudinn mikinn, endurminn-
 ánguna kjára og langgjæða.

Enn þótt mínum Tilheyrendum sé kunn-
 ug að miklu leiti æfi ens fráfálna Höfðingja,
 gjöri eg þó ráð fyrir, að þeim sé ekki ógéd-
 feldt nú við útför síns Kenniföðurs, að heyra
 stuttlega framsögd hin helztu atríði af hans
 heidurlega og uppbyggilega lífi, hvað og má
 þéna til þess að rótfešta hjá Yður enn betur
 endurminningu hins sofnada vinar og vel-

gjörara; hans, sem er þess án efa maklegur; ad minning Hans verði lengi uppi í þessum Söfnudi, og í heidri hjá öllum þeim, er hann rétt þecktu.

Þetta er þá hid helzta, sem mér er kunnugt af

Æ f i f ö g u

sáluga Stipt - prófastsins
MARCUSAR MAGNUSSONAR.

Hann er fæddur ad *Vatnsfirði í Isafjardar Sýslu*, þann 2ann Apríl 1748. Foreldrar Hans voru *Magnús Prestur Teitsfön til Vatnsfjardar* og *Prófastur í Nordur - Isafjardar Sýslu*, og *Ingibjörg Markúsfardóttir Sýslumanns Bergsfonar* í sömu Sýslu. Vor Framlidni ólst upp ad nokkru leiti hjá Ömmu sinni *Elinu Hjaltadóttur*, sem flutt var til *Tengda-*

sonar síns *Magnússar* Prófafts *Teitssonar* ad *Vatnsfirði*. Fyrir ráðstöfun þessarar sömu komft hann árid 1766 til Móðurbróður síns *Björns* Lögmanns *Markússsonar*, hverr ed sama ár setti hann í *Skálholts* Skóla til mentunar.

1770, eptir 4ra ára skólagaungu, var vor *Framlidni* útskrifadur af *Mag. Bjarna Jónssyni*, ordlögðum fyrir dugnad í sínu standi, sidprýði og alúd í öllu því, sem vidkom hans embætti. Sama árid varð hann Skrifari vid þá *Landnefnd*, er hér var um það leiti í Konúngs erindagjörðum, midandi *Islands* heillum til eblingar. Med *Fjeldsted*, sem var einn í þessari Nefnd, Móðurfödur Amtmanns og konstit. Stiptamtmanns *Hoppes*, reisti hann um *Vestfjörðu* þetta sumar hid sama og sigldi med honum árid eptir 1771 til *Kaupmannahafnar* Háskóla; hafði hann til þeirrar ferðar nokkurn styrk af Móð-

urbróður sínum *Birni* Lögmanni; en drjúg varð honum aðstod *Fjældsteds*, sem meðal annars kom honum í kunnings-
 skap við þann nafnfraga Kammerherra
Sihm, hverja góðvild vor *Framlidni* vífsi
 svo vel að nota sér, að hann varð Kam-
 merherrans mesta uppáhald*). Í *Kaup-*
mannahöfn dvaldi vor *Framlidni* þágangd
 til árid 1779, hafði hann þá aflökid
 þeim yfirheyrslum við Háskólann, sem
 lög bjóða þeim, er uppá prestskap hug-
 fa; Það sama ár kom hann inn til lands-
 ins braudlaus, en með bestu vitnisburði
 bædi fyrir lítnad og lærdóm. Arinn

*) Sem dæmi hér uppá mætti þess gæta: að
 Kammerherrann lánadi vorum *Framlidni* a-
 opt peninga, og þá það stundum vildi til, að
 þessrar hjápar var leitad, þá Kammerherrann
 var ecki heima, sendi hann með Markúse
 lykilinn að peninga hyrdsu sinni, og lét hann
 sjálfann skila til konu sinnar, hverfu miklu
 peninga hún skyldi honum í þessu skyni af-
 handa.

ádur hafði hann komið inn hínagð með *Dr. Hannefi*, þá hann settist að Biskups-
 stólnum, mest tilknúður af vinskapi við
 þenna mikla mann. Amtmadur *O. Ste-*
phenfen, síðan Stiptamtmadur, og Stipt-
 amtmadur *Thodal* gérðu sér þá mikil far
 að því, annar að yfirtala hann til að
 fækja um *Garða á Akranesi*, hinn að taka
 Kapelláns braud í *Górdum á Alptanesi*, en
 til þess að því heldur gæti verið viss um
 að fá með hentugleikum gott braud, var
 naudsýn að hann sigldi aftur — því enn
 þá hafði hann ekki afstaðid yfirheyrslu
 í Gudfræðinni. — Öll hins *Framlidna*
 vera við Háskólann, að því sumri með-
 töldu, sem hann dvaldi hér á landi, var
 því 8ta ár og fyri þann, sem með skrift-
 um verður að miklu leiti að hafa af fyri
 sér, má það ekki heita langur tími.

Arid eptir ad vor sæli *Framlidni* koma inn 1780, var hann kalladur Kapellán af þeim Presti og Prófasti Héradsins, sem þá héldt *Garda Stad*, *Gudlaugi Þorgeirsfyni*; Vígslubréf hans er útgéfid þ. 2ann Okt. s. á. en braudid var honum veitt arid eptir. Arid 1782 var hann kjörinn Prófastur í *Kjalarness* þingi og héldt því Embætti þángad til arid 1821. Stiptprófastur vard hann 1796 og var þá annar í Biskups vali með *Vidalín*, er Embættid hlaut.

Auk þeirra starfa, sem Embætti hans upp frá þessu lagdi honum á herdar, var hann tíðum fenginn til ýmislegra annara og vandafamra starfa, vegna hans alþekktu greindar, góðvilja og framtakssemi. Þannig var hann hinn 3ji í *Nesnd* þeirri, sem eptir Biskups *Vidalíns* ósk var sett til ad koma lagi á efna-hag hans; sömuleidis var hann fenginn til með 2ur

Öðrum Nefndarmönnum í þessum Söknum, ad uppgéra dánar-bú Amtmanns *Wibes*. Þegar *Landsuppfærðingar Félagid* hér var stiptad, var vor *Framlidni* eigi ad eins fenginn til ad ega þar í hlutdeild, heldur og til ad undirbúa til Prentunar *Stúrms Hugvekjur*, hverjum hann ádur hafdi snúid á íslendsku til húfslestra í heimahúsum; en þess *sunnlendska Lestrar Félags* eginlegi Stiptari skal hann hafa verid, ásamt sál. Landphys. J. Sveinsfyni.

Ekki einúngis upp frá því *Settarnesfir* voru tilskipadar hér á landi og Stiptamtmenntættu ad vera Forlikunarmenn hér í Sýslu, fyrir utan *Seltjarnarness* Hrepp, heldur og strax, sem hann var ordinn Prestur þessara Sókna, gérði sér annt um ad nidurjafna allar þær misklídir, sem í þessu fjölbygda plássi hljóta upp ad koma, má þad og teljast sem vott-

ur hans frammúrskarandi greindar og lempni, að aldrei urdu málaþóknir úr slíkum misfáttum, já! ecki einungis í sínum Sóknum, heldur og annarstadar, átti hann góðann þátt í að nidurjafna misfáttir og ætíð með góðum ávexti, eins þar, sem meiriháttar menn áttu blut að máli. Þá hann sjálfur varð fyrir mótgjörðum, þurfti ecki til fátta að koma, því honum var nærsta lagid að sigra illt með góðu og enginn var fúsari til enn hann að aúdfýna öllum, hánm og lágun alla mögulega góðvild og þénuftufemi.

Í Bústjórn sinni var hann bæði atorkusamur og greindur. Vegna þess ords, er hann hafði á sér hér fyrir, var hann 1817 kosinn af enu konúnglega *Landbústjórnar - Félagi* meðlimur til að skrifaft á við, um eitt og annad Bústjórn viðvíkjandi hér á landi. Þetta merkilega Félag sendi honum og ár-

lega upp frá því kál-fræ til géfins út-
 býtingar fyrir hans tillögur, stundum
 og Jardepli. Gardyrkju lét hann og
 mjög stunda með mikilli heppni, eins
 og hann með ordum og eptirdæmi átti
 mikinn þátt í að hún útbreiddist til
 muna um hans Sóknir og víðar. Hjú-
 in, sem opt voru mörg á hans fræga
 heimili, fóru ecki varhluta af þeim
 mann-kjærleika, sem auðkénndi allt
 hans líf, bæði þau, sem giptuð frá hans
 húfi og hin, er í því veiktust eða eldt-
 uð á hans heimili, áttu víst athvarf þar
 sem hann var. En hvílikur bjargvætt-
 ur hann var sínu marga Ætt- og Tengda-
 fólki, er kunnugra og einstaklegra dæmi
 enn svo, að hér sé verdt stuttlega á það
 að minnast.

Kjör hans voru þessi í lífinu: á
 yngri árum var fiárhagur ervidur og
 jafnvel þángad til hann með sinni sein-

ustu konu féck töluverdar eigur; en
 upp frá því varð ecki fés kortur. A
 þessu skeidi æfinnar festi ecki á honum
 fés kortur, þvífiör og heilbrigdi líkham-
 ans, blídlyndi og kraptur fálárinna
 hratt þá af sér hverjum ördugleika.
 A enum efri árum áfókti hann van-
 heilsa líkhamans, helzt töluverd iktfýki;
 hverja þjáningu hann þoldi með mik-
 illi stillingu og karlmennsku.

Sá mótlætis madur var hann hér-
 adauki, að fyrstu konu sína varð hann
 að jafnleggja eptir ecki fulla hálfis árs
 sambúð; þá aðra eptir 5 ára samveru;
 með þessari átti hann 3 sonu, er allir
 dóu á Ita æfi-ári; en saman við hina
 þriðju konu bjó hann í 30 ár, hvernar
 tvo syni hann elskadi sem sín egin börn;
 og arfleiddi þann þeirra, sem enn er
 lífs, að sínum eptirlátinu eigum. Þessi
 géck

gæck honum og í sonar stæð og var ásamt hans elli-ára aðföð og yndi.

Eftir að hafa þannig starfað og þannig lídið, gæck vor *Framlidi* til sinnar síðustu hvíldar og endaði sítt heidurlega og starfsama líf þann 21ta dag Augústi mánaðar 1825, með svo hægu andláti að líkara vörðugt svefni enn dauða. Allur hans aldur var þá það á 78da ár, sem er síðan 2ann Apr. þ. á. Prestur hafði hann þá verið hardtnær 45 ár. Kapellán hafði hann haldið við og við vegna líkhamssjúklinga og vanheilsu síðan 1812, en stöðugt 3 síðustu ár *Æfinnar*.

Þessi eru hin helztu atviki af *Æfi* yðar framlidna Kénniföðurs, K. T. þeir, sem þecktu hann grant, munn við það kannaft að hann var einhverr hinn merkilegasti maður, þeirra, er honum samtíða uppi voru, merkilegur, af

sínum verkum og kjörum Verkum, sem öll höfðu á sér auðkenni blíðrar og mannkjærleiksfullrar sálar, hygginda og atorkusemi; kjörum, sem eins og tídt víðgengt, voru í mörgu tilliti raunaleg. Eg bæti því samt við: að umgeingni hans var mjög ljúfmenskufull og gláðvar, hvernig sem á hans högum stóð; Hann mátti með mefsta rétti heita hvers manns hugljúfi; úrráðagóður í mannaunum allra, sem hans leitudu og líðsinnis víðþurftu; fjárlagt var honum eins að tala nokkrum til ftygðar, og að gjöra nokkrum manni nokkud til meins. Þetta kynni að hafa gefið tilefni til þess sumumhverjum, að hrósa minna hans einlagni, heldur enn hans ráðdeild og góðsemi; vandi reynist tíðum að haga sér svo að öllum líki, eins í þessu að halda meðalveg milli beryrða og blíðmæla, og margur hvern, sem að því finnur, að aðrir séu ecki nógu skorinordir, eru þannig skapi farnir, að þeir hvað verft þola beryrdin.

Hvílíkur Kénnimadur hann var, mun öllum þeim minnisfædt, sem koft áttu á að

heyra hans málsnildarlegu Ræður, á hverjar margar ecki annad skorti til að vera meistaraftýcki, nema kannske á sínum flöðum midurvandad ordfæri enn skyldi. Þær voru og framfluttar með allri þeirri einlagni og kræfti, sem eykur ordanna verkun, og gefur þeim inngang að mannsins hjarta.

Í öllu sínu lífi var hann uppbyggilegur og ráðdeildarfullur dagnadar-maður, þar með var samfara einkanlega gott hjarta og góðvild til allra, sem hann tilnáði; með þessum og fleirum mannkostum ávann hann sér, að maklegleikum, heidur og elsku allra þeirra, sem hann þekktu, og hverki skorti vit né viðja til að heidra og elska það hjá honum, sem var heidurs- og elsku-verdt.

Margir, ecki að eins í hans fjölmennu Sóknum, heldur og víða útifrá, höfdu hann fyrir ráðanaút í því, er þeim þótti nokkru varda, og ráð hans brugduft þeim traudlega, sem fylgdu þeim.

Tamt var honum að líkna naudstöddum, með heilræðum, góðum tillögum og gjöfum. Grunur minn er sá: að mörgum megi einnig í þessu vera að honum eptirsjón. Ecki ein- úngis þessum Sóknum má vera eptirsjón að þvílíkum manni, heldur öllum þeim, sem hann þekktu; þessar Sóknir hafa þó því heldur orsök til Söknadar, sem lengur nutu ávaxta hans lífs í andlegum og líkhamlegum efnum; því fjarri eru þeir á hverri öld, sem komist jafnsídis þeim Framlíðna í mörg- um dagnadi og hjartagjæðsku.

En — lengi auðnadið Landi voru að njóta þessa dagnadar- og merkis-manns; lengi þessari Sókn að hafa hann fyrir Kénnifödur. Líf hans gat nú ecki lengur verid Sóknun- um til töluverdrar uppbyggingar, ecki held- ur honum sjálfum til töluverdrar unadsemd- ar; mettur aflífdögum, er hann víst inngeng- inn til Guds hvíldar — þeim þreyttu er þörf á hvíld

á hvíld — Þöckum þá Gudi fyrir það, sem hann gaf! á tækri tíð tekur hann fullvaxin blóm og vill að önnur vaxi slík. En — tilhlýði'egt er að hans minning verði hjá oss öllum, og þó einkum hjá hans Söknaarbörnum, lengi í heidri og blessun — hjá þeim, sem hann fræddi og uppörvadi til góds, hugsvaladi í mannraunum, gaf heilræði í vandræðum, líknadi í þrautum; Hjá ættingjum, hverra Sómi og aðstod hann var; hjá vinum, sem reyndu hans stadföstu trygd. Allir þessir bafa þá skyldu á herdum, að heidra og elska endurminningu hins Framlidna, og gyldustu orsök til að bidja þann, sem tók sína gjöf, að bæta sér missirinn; allir til að bidja Gud að gefa landi voru á hverri öld nokkra jafn-duglega, góða og uppbyggilega menn; og í því vér nújardleggjum Lík þessa merkilega manns

og Prests, hjá moldum hans, ecki fáu und-
anfögnu ástfölgnu, hvetra samfunda hans
vissulega nokkra stund vænti, biðjum vér Drott-
inn að bæta þeim Söfnudi missirinn, sem
þessi Kennifadir er frá tekinn, með því að
senda honum í hans stöð, hygginn, ráðvand-
ann og uppbyggilegann mann — já, Drott-
inn! útvel í stöð þess burtkallada þann, sem
best er tilfallinn að reka hér þitt erindi, við-
halda og útbreida þeckingu þíns nafns,
sanna guðrækni, einlægann mannkjarleika, það
er: kristilegt hugarfar og háttalag. Amen.

GRAF-SKRIFTIN,

er á Lík-kistunni síð, hljóðar þannig:

Vir

Cujus hic repositum jacet corpus

MARCUS MAGNI FILIUS.

Natus est. vi. nonarum Aprilis MDCCXLVIII.

Sacerdotis muneri præfuit XLV. annos.

Præpositi fere totidem

Episcopales vices unum annum,

et quidem cum laude administravit.

Consilii, humanitatis & patientiæ plenus

Multa fecit honeste, tulit pie & patienter.

Cognatorum vixit eximius evergeta.

Ordinis decus, omnium deliciæ.

Ætatis suæ vir primarius, scriptis quoq; notus.

Tres ductas uxores ipse, ab unaq; harum

tres susceptos filios infantes, sepelivit.

Tandem ipse annis & honore onustus

vitam placida morte deposuit

XII. Calend. Septembris MDCCCXXV.

*In tenebris lucis radius solatur euntem
 Cum mors atra venit, proderit esse probus,
 Namq; salus coeli parata est cum vita recedit
 Iustis. In terris fama superstes erit.*

Það er á Íslensku:

Maður,

fem hér er lagdur lík

MARCUS MAGNUSSON,

Er fæddur 2ann Apríl 1748.

Var Prestur 45 ár, Prófastur hardtnæreins lengi.
 Gégnði Biskups Embætti með hrófi eitt ár.

Rád-deildar, mann-kjarleika og þol-
 gædis audugur.

Gjörði Hann margt heidurlegt,
 Bar margt gudrækilega með þolgæði.

Ættingja einstakur Velgjörari.

Sins stands prýði, allra hugljúfi,
 Aldar sinnar Höfðingi.

Af Ritum einnig frægur.

Yfir útför þriggja Qvenna og þriggja Sona,
 er allir dóu ómálga, hefir Hann stadið,
 Lokfins bladinu af heidri og árum
 Endadi Hann lífið með hægu andláti,
 Þann 21ta Augústi 1825.

Geisli þeim gleði er,
 Sem gengur myrkann slig,
 Daudans þá dal um fer,
 Dygdin mun hugga þig,
 Himna dýrd horfir móti,
 Ordstýr á fold ej felur sig.





